

КОМСОМОЛОНЬ ВАЙГЯЛЬ

Сембе мастовонь пролетариятне, пуромода мар!

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адресс: г. Саранск, ул. Советская,
Дом печати

АПРЕЛЬТЬ
18-ЦЕ ШИСТОНЗА
1938 КИЗОНЯ
44 (560)

Лисенди ковти 12-кеть.

Цебярняста анокламс выборнай кампанияти

Советский Союзонь сембе трудяй-хне вишкста аноклайхть Союзнай и Автономнай республикань властенъ высшай органу выборнай кампанияти. Кафта Союзнай республикатненъ эса Грузияса и Арменияса избирательнай кампаниясь уже ушедсь. Ня республикатненъ эса Верховнай Совету выборхне кармайхть йотама кафта ковда меле—июнь ковть 12-це шистонза 1938 кизоня.

Союзнай и Автономнай республикань Верховнай органу выборнай кампаниясь—важнейшай политический события. СССР-нь Верховнай Совету выборда меле минъ странаньконъ народец аноклайхть кочкамс Верховнай Советт Союзнай и Автономнай республикатненъ эса.

СССР-нь Верховнай Совету йотай выборхне трудяйхненди арасть настоящай всенароднай празникос. Нят ульсть действительна свободнай и демократический выборхт, кодапт нинге ашез сотце человечествань историясь. Сяс и синь мзярдонга аф юкставихть Советский Союзонь сознательнай гражданинтти. СССР-нь трудяйхне оцю радостьса аноклайхть республиканский органу выборнай кампанияти.

Советский одломаттне относятся предстоящай выборхненди живейшай интересонзон мархта. Теенза максфт величайшай политический прават. Сталинский Конституциясь кемоктасть сонъ мельганза права кочкамс и улемс кочкафокс государственной органонъ власти, права участвовандам Советский госу-дарствань управленияса и решандам минъ странасонк важнейшай тефт.

Серьезнай мяль эряви шарфтомс тя работать ладяманц инкса, штоба комсомолецсь везде улеза цебяр агитатор, велеса сон должен тарксемс сембе культурнай вийть, учительхненъ, избачненъ, штоба сембе синь прималхть участия выборнай кампаниять эса. Тя важнай нинге сяс, што именно велеса аф кржа нинге сире пережиткада, религиознай предрассудкада и стак тов. Ня предрассудкатненъ вельде маштозь пользовандакшнихть минъ врагоньке, в частности различнай родонъ сектанстватне.

Косарев ялгась корхтась: „Важнейшай задачасна комсомольский организациятненъ—анокламс эрь од избирательть сознательнай гражданский долгонц пяшkodeме участвовандам Верховнай Совету выборхненъ эса“ (Комсомольская правда газетать эзда 245-це № са 1937-це киз.)

Мордовский комсомольский организациясь тя важнейшай меро-приятить йотафтоманцы анокламань работаса лувондови лама аф-сатыкста, кой-кона комсомольский

руководительхне ашез шарьхкодть тя работать серьезнай значенинц. Сире-Шайговань районца комсомолецненъ и афсоюзнай од ломаттненъ йоткса калдывста моли РСФСР-нь и МАССР-нь Верховнай Совету выборхненди Положениятненъ тонафнемасна. Кадошкинань районнай комсомольский организациясь, коса тячители самс первичнай комсомольский организациятне калдывста работайхть РСФСР-нь и МАССР-нь Верховнай Совету выборонъ Положениятненъ разьясненияснон инкса.

Минь задачаньке ащи сянъ эса, штоба союзнай и автономнай республикатненъ эса предстоящай выборхне йоталхть нинге сяда цебярста, нинге сяда организованайста. Выбрхне должны обеспечиндамс коммунисттненъ и беспартийнайхненъ блоксон кемокстаманц. Союзнай и автономнай республикатненъ Верховнай Советснонды должетт улемс и кармайхть улемс кочкафт народть лучшей цьоранза, конат преданнайхть коммунистический партиять и советский властть тевонц инкса, конат маштыхть тюреме народонъ врачненъ каршес.

Комсомольский организациятне должетт работамс аф ськамост, а модемс марса аф союзнай од ломаттненъ мархта, вятемс руководства синь лангсост, работамс коммунистический партиять руководстванц вельде—тяфтама главнай заповедсь, конанц мархта должетт руководствовандам комсомольский организациятне. Йотай избирательнай кампаниять йотафтомс тонза ульсь кочкаф оцю опыт агитационно-пропагандистский работать эса. Тя опыть мзярдовок не-должен юамс.

Эряви мяляфтомс, што выборхненъ эса кармайхть участвовандама аф аныцек минценъ советский ломаненьке. Эксплоататорский классонъ разбитай осколкатне апак машфтт нинге педа-пес троцкистско-бухаринский и буржуазно-националистический шпиоттне диверсантне кармайхть всячески шорсеме выборхненди, кармайхть стремиться проташить советский властенъ оргаттненди синценъ ставленникснон. Сяс и минъ ширденк эряви революционной бдительность.

Комсомольский организациятне предстоящай выборхненди должетт лацкас анокламс, лездомс советский организациятненди сембе организационно-технический работать эса. Должны анокламс агитаторонъ кадрат, конат способнайхть арелямс Ленинонъ — Сталинонъ партиянц тевонц.



СНИМКАСА: художникъ Ливановъ плакатоц, конанъ нолдазе ИЗОГИЗ-сь РСФСР-нь Верховнай Совету кочкаматненди. Репродукциясь Союзфототъ.

Военнай действиятне Китайса

ЦЕНТРАЛЬНАЙ КИТАЙСА

Шанхай, апрельть 15-це шистонза. (ТАСС). Йотафтомок эряфс центральной Китайса операциянь плантть, китайский войскаатне тя пингоне тийсть контрнаступления Ухуть, Исинть, Хучжоуть лангс. Пяк оцю активность кепсихть партизаттне мекольдень шитненъ эзда Шанхайть маласа. Серьезнай бойхть йотнихть Чэньжуса, Нансянца (Шанхайть западнай окрестностьсонза, Минькань районца) Шанхайть эзда юг ширеса) и Сычзинса (Шанхайть эзда юго-западной ширеса). Лама велень крестьятне, конат ащихть Сунцзянтъ юг ширесонза, шоворсть партизаттненъ мархта и атаковандакшнесазь японский войскаатненъ.

Апрельть 13-це шистонза китайский партизанонъ отрядсь атаковандазе японский поездть, коса ульсть японский войскаат, конац ардс машинакить ланга Шанхай—Чуантав. Партизаттне поездть нолдазь откозть алу. Ульсь шавф лама японский солдатт.

Печатсь отмечандакшнесы партизаттненъ цебярста организован-

ностьснон, конат действовандайхть центральной фронтса. Газетатне съормадыхть, што партизаттне вооруженнайхть винтовкаса и пулеметса. Эрь шинь бойхненъ результатснон коряс японский армиясь кирди оцю юмафкст. „Веньвейбао“ газетась пачфни куля, што аныцек фкя шиста апрельть 13-це шистонза Шанхай састь 20 грузовикт японский солдатонъ и офицеронъ трупа мархта. Японецненъ, конатненъ аш вийсна кирдемс партизанский движениять касоманц каршес, крвяснесазь китайский велетненъ. „Чайна пресс“ газетась съормады, што велетне, конат ащихть Шанхай-Ханчжоуский кить перьфкя и Чжану-Цзясин шоссеинай кить перьфке, ащихть сплошной пожаришакс.

Мекольдень кулятненъ коряс, Бэнпу районца (Фынянтъ северо-западной ширесонза) китайский войскаатне вишкпнесазь стремительнай контрнаступлениять).

„Даобао“ газетась пачфни куля, што китайский войскаань передовой отрядонъ войскаатне пачкодсть Бэнпути.

ТАСС.

Комсомольский эряфсь

Комсоргсь „работай“ Порапаса, а эряй Троцяса

Порапа велень первичнай комсомольский организациясь тя пингть комсомольский работать йофси юкстазе. Кодама кизефкс тят кунда, ков тят шарфта — тевсь ковонга аф ярашты.

Йотась ни ковшка, кода комсомолещень йоткса аф йотафневихть политзанятия. Синь ашезь тонафне РСФСР-нь и МАССР-нь Верховнай Советтненьди выборхень колга Положениятнень. А вдь комсомольский организациясь нят избирательнай закоттнень должен пачфтем советский эрь гражданить, гражданкоть сознания, штоба успешнайста йотафтомс избирательнай кампаниять. Возможна ли Порапа велень комсомолещенди тонафнемс избирательнай закоттнень населениять йоткса, кда комсомолещне синь нят закоттнень аф содасазь? Конешна аш кода. Беспечнай, политически афграмотнай ломанти аш кода азонткшнемс масшатненьди политический кизефксонь колга.

Порапа велень „Карл Маркс“ колхоза од цюорань и стирнянь целай армия. Ламотне синь йоткост достойнайхть улемс Ленинский комсомолонь ряттнень эса, и ламотнень улихть мялсна сувамс комсомолть рядонзонды, штоба тоса арамс социалистический строительство нингя сьда активной участникомс.

Но комсомольский организациясь синь юкстазень. Сон тя работать лувондсы аф эряви сталмокс.

Вельф кальдявста ащи работась стирнятнень йоткса, конань колга корхтай ся фактсь, што комсомольский организациясь 13 комсомолещнень йоткса аш фкявок стирня. Ков тя ярашты? Ковонга аф. Тяфта ваномс тя кизефксть лангс может анычек бездушнай, безответственной ломанць, кодамкс ащи Порапань комсомольский организациянь комсоргсь Подзоровсь, конац комсомольский работать вьезде пятай развалти.

Подзоровсь Порапа велеса работай трахомотознай пунктонь заведующайкс; кадомок эсь работанц и комсомольский организациять судьбань произволти, март ковть 15-це шистонза сьавомок апрельть 11-це шинцты самс тевфтома гуляндашнесь маластонь велеса Троцяса. Лисенди, што Подзоровсь „работай“ Порапаса, комсоргокс лувондови Порапаса, ярмакт работанкса получахшни тожа Порапаста, а эряй Троцяса.

Порапань первичнай комсомольский организациять кальдяв работанц эзда, кода и йожка велень комсомольский организациять работасонза афсатыкснень эзда няеви, што ВЛКСМ-нь Ковылкинский райкомсь комсомольский организациятнень лангса руководства вяти кальдявста, аф лезды теест практически, штоба машфтомс синь работасост афсатыкснень.

Надиятама, што Порапа велень комсомолещне кемоста кярмодихть работати, а ВЛКСМ-нь Ковылкинский райкомсь теест максы практический лезкс.

Федор Райдон.

Первичнай организациятнень кальдяв руководствасна

Тонафнемок ВЛКСМ-нь ЦК-ть V-це Пленумонц решениянзон, комсомольский организациятне должетт нинге сьда вишкотеми политико-воспитательнай работати одломаттнень йоткса и путомс пегебездушна-бюрократический руководствати, конац нинге атак машфтт кой-кона комсомольский руководителхнень ширде.

Шайговань районца Сире-Теризморга велеса одломаттнень йоткса пняк кальдявста ащи массовой работась

Велень советонь руководителхне одломаттнень ширес кодамовок мяль аф шарфнихть, изба-читальняса тичимс аш кодамовок массовой работа, литература читальняса кодамовок аш, и читальняске тичимс нинге атак ремонтнировандак.

Ня афсатыкснень колга ВЛКСМ-нь Шайговань райкомти аф весть ульсть пачфтьфт кулят, но райкомонь работникне ня серьезнай афсатыкснень лангс кодамовок мяль ашесть шарфта. Тяда башка эряви азомс, што Буденнай ялгать лемса колхозса первичнай организациясь работай Макаров ялгась, конац пцтай срафтозе одломаттнень йоткса сембе работати.

Политзанятия комсомолещнень йоткса аф йотафневихть, комсомолещне аф содасазь кода колхозникне анокласть тундань видемати.

Сире-Теризморга велеса Буденнай ялгать лемса колхозса одломаттнень ули пняк оцю желаниясна сувамс комсомолонь ряттненьди. Афсоюзнай одломаттне аф весть корхнесть сян колга, штоба вишкотеми массовой работати. Тяда башка одломаттнень ули оцю желаниясна максомс „ГТО-нь“, „ГСО-нь“ и Ворошиловский стрелоконь значокненьди норматнень.

Тяфта жа ащи работась „17 лет октября“ колхозса, кода комсомолещне тичимс ашесть ладе массовой работати одломаттнень йоткса. Политзанятиятненьди аноклакшихть

пняк кальдявста. Комсомолещсь Девин Федорсь вестенга ашезь яка политзанятияс.

Ня фактне ня ф не сазь, што ВЛКСМ-нь райкомсь и сонь секретарь Пугачев ялгась тичимс нинге ашезь шархкодь ВЛКСМ-нь ЦК-ть Пленумонц решениянзон.

Кда варжаксстама кодама лезкс комсомолонь райкомсь максми первичнай организациятненьди и кода машфнесне ся афсатыкснень, конат ульсть нолдафт комсомольский организациятнень ширде. Тяста пняк лац няеви, што райкомовский работникне тичимс работати вятьсазь эсьотям. А кой-кона работникне, кода ВЛКСМ-нь райкомть пропагандисток Кузнецовсь и Денисовсь (управделами), практический работати аф шарфнихть кодамовок мяль, а анычек пнянствовандахть и стак тов.

Шайговань районца тя пингти самс колма велень советтнень эзга атак организовандак первичнай комсомольский организациять. Тяда башка райкомовский работникнець лама афсатыксна сян эса, што мзярда афсоюзнай одломаттнень терьнесазь ВЛКСМ-нь райкому, кода ванондыхть синь заявленияснон комсомолонь ряттненьди сувамат колга, то райкомонь бюронь заседания максихть комсомолу сувай одломаттненьди пняк труднай кизефкст, конань сюнеда афсоюзнай одломаттнень аерфнесазь комсомольский организациять эзда.

ВЛКСМ-нь Шайговань райкомти эряви оцю мяль шарфтомс массово-воспитательнай работати одломаттнень йоткса и максемс эрь шинь конкретнай лезкс первичнай комсомольский организациятненьди. Штоба комсомольский организациятне нинге сьда лац тонафне-лезь ВЛКСМ-нь ЦК-ть V-це пленумонц решениянзон и касфтолезь синцень идейно-теоретический содама шиснон.

Тр—ф, П—ц, Н, Комсомолещ.

Комсомолещне тюрихть тундань видемати йотафтоманц инкса

Курьян велень „Коминтерна“ колхозса первичнай комсомольский организациясь апрель ковть 8-це шистонза марстонь пуромкса, тонафнемок ВЛКСМ-нь ЦК-ть V-це пленумонц решениянзон и РСФСР-нь и МАССР-нь Верховнай Совету выборхень колга Положениятнень, сьавсть эсь лангзост конкретнай обязательства, штоба тяддень кизоть тундань видемань кампаниять йотафтомс побольшевишки.

Сембоц комсомолещта лувондови 14 ломань, конат сембе прикрепленнайхть колхознай бригадатненьди паксянь сембе работатнень аделамс. Эряви азомс, што комсомолещне колхознай работаса заньсезь васенце вастть. Колхозонь председателкс работай комсомолещ Е. О. Павкин ялгась, а омбоце бригадаса бригадиркс работай Г. И. Ежов ялгась, а тяфта жа остальной комсомолещневок, конат прикрепленнайхть бригадатнень эзга, сембонь улихть комсомоль-

ский поручениясна, штоба колхозникнень йоткса вьатем массовой воспитательнай работа. Лувондомс синь йоткост литературат, эсь пингстонза новлямс стенной газетат, кода кармайхть няфнемс сян, кода комсомолещне кармайхть пшкоткшнema сьавф обязательстваснон кемокстаф договорснон коряс.

Тяни комсомолещне аф кальдявста работайхть афсоюзнай одломаттнень йоткса. Тянь сюнеда комсомолещне сатсть аф кржа успехт. 1938 к. январь ковть 1-це шинцты самс сембоц комсомолещта ульсь 3 ломатть, а тяни 14 ломань. Но эряви азомс, што комсомолещненьди ламода эряви нинге перестроить эсь работаснон, штоба комсомолещнень и афсоюзнай одломаттнень таргамс общественной работати. А ВЛКСМ-нь Ковылкинань райкомти эряви нинге варжакстомс тя организациять ширес и максемс теенза конкретнай лезкс.

Д. Гуреев.

ЦЕБЯРЬСТА ЛАДЯФ ПОЛИТИКО-ВОСПИТАТЕЛЬНАЙ РАБОТАСЬ

Ковылкинань райононь, Покровский средний школань комсомольский организациясь вишкотеми афсоюзнай одломаттнень йоткса политико-воспитательнай работати. Одломаттнень йоткса ламоц

якайхть комсомольский политшколав. Тяда башка синь таргафт общественной работас. Колхозникнень йоткса йотафнихть читкат, беседат и ст. тов.

Губановский.

Оперативна лездомс первичнай комсомольский организациятненьди

Сян вастс, штоба ВЛКСМ-нь ЦК-ть V-це пленумонц коряс пегетемс нолдаф эльбяткснень и оперативна лездомс комсомольский организациятнень работаснонды, Ельниковань ВЛКСМ-нь райкомсь ингольцекс коря первичнай комсомольский организациятненьди кодамовок лезкс аф максми. Райкомсь ингольцекс коря работай кабинетса. Тя кальдяв руководствати сюнеда районца лама комсомольский организациятнень эса работась ладяф кальдявдонга кальдявста. Лама комсомольский организациява комсомольский политпросвещениань кружокнень работасна сьазьфт, комсомольский организациятне аф союзнай од ломаттнень йоткса работати эзда аердсть. Тя кальдяв работати сюнеда комсомольский организациятне передовой аф союзнай од ломаттнень лувксста аф касыхть.

М. Полянкань выселкаса комсомольский организацияса кода киза ни политзанятия аф йотафневихть, комсомольский пуромкст эряйхть случаяста случайс. Комсомолещнень йоткса ламоц 4—5 ковоны членский взност аф паннихть. Комсомольский организаторсь Богдашкина ялгась комсомольский организациять работанц кадозе эсьотям молемати. Комсомольский организациясь эсь работасонза аф лувондсы эрявиксонди одломаттнень йоткса работати цебярьгафтоманц. Сяс и комсомольский организациясь 1938-це кизоня фкявок афсоюзнай од ломань эсь рядонзонды ашезь прима. Сире Конгушенсь велеса комсомольский организациясь работай пняк кальдявста. Колхозса улихть аф кальдяв производственникт од ломаттнень йоткста, комсомольский организациясь ня одломаттнень йоткса работати арьсесы ладямс тичи да ванды. Комсомолещне колхозса аф арьсхть примеркс, синь эсь работасост аф няфнихть пример лия колхозникненьди. Комсомольский политтофнемань кружокти фкявок аф союзнай од ломань атак фатяк. Аф ваномок сян лангс, што избачекс работай комсоргсь Тренкина ялгась, изба-читальняса кодамовок работа аф йотафневи. Сире Пиченгуш велеса комсомольский организацияса 1938-це кизоня афсоюзнай од ломань фкявок комсомолу ашесть прима.

Ня фактне корхтайхть сян колга, што Ельниковань комсомолонь райкомсь первичнай комсомольский организациятненьди практический лезкс аф максми. Вьаре аф комсомольский организациятнень эса 1938-це кизоня фкявок райкомонь работник ашель.

Кинди тяфтама бездушно-бюрократический руководствась эрявсь, мес Ельниковань комсомолонь райкомсь аф лувондсы эрявиксонди комсомольский организациятненьди практический лезксонь максомать? Тяфтама бездушиясь киндингя аф эряви. Сон противоречит комсомолть основной задачанзонды—одломаттнень коммунистический духса воспитаниянь задачатненьди. Эряви тяфтама руководствати пугтомс пе.

Комсомолещт С., К., С.

Майть 1-це шинцты пионерхненъ анокламаснон колга

Пионерхне, школьникне пях кель-ксазь революционной праздник-ненъ. Особеннай нетерпенияса итне учсазь тундань радостнай пер-вомайский международнай проле-тарский солидарностень праздни-кить.

Итне нйсазь, што синь роди-тельсна старшай братсна, сестра-сна фабрикава, заводга и колхоз-най паксыва васьфнесазь тя шить производственной од победа мар-хта. И пионерхненъ эвондакшни законнай жаланиясна отмечандамс тя шить кодамовок значительнай подаркаса эсь родинаснонды.

Эряви азондомс эрь пионери и школьники, што инь цебярь синь подаркаса ули тундань школьной испытаниятненди цебярьста анок-ламасна. Катк эрь пионерсь друж-найста соревновандай лия пионер мархта, звенась—звенань мархта, отрядсь—отряд мархта, школась—школань мархта. Драй аф радост-на пионеронь отрядти сатомс пра-ва лисемс первомайский демонст-рацияв плакат мархта: „Минь от-рядсонк аш калдыв отметкат?“

Майть 1-це шинцты илядсь аф лама пинге. Мезе жа можна тиес-юнай пионеронь отряда? Васен-дакига отрядонь советсь и вожа-тайсь должет лездомс содамс эрь звенати:

„Мес сембе миронь трудящайхне эрь кизона праздновандакшнесазь майть 1-це шинц“. „Пионерский Правда“ газетаста (апрель 1937 жизоня) идень журналхненъ эзда вожатайсь или старшай пионер-хне могут сявомс увлекательнай материал звенаса беседанди.

Эрь библиотекаста можна мумс мографтомс аф оцю рассказ, очер-кт революционной прошлайть ко-лга. Россияса васень маевкатненъ колга, конатненъ йотафнезь боль-шевикне, испанский и китайский нароттненъ героический тюремас-нон колга фашисттненъ и импери-алисттненъ каршес, минь Якстерь Армияньконь, миронь армиять кол-га.

Эрь звенась муй пинге, штоба тщательнайста анокламс аф оцю выступления первомайский отря-дней сьборти: инсценировка, хоро-вой морхт, коллективнай декло-мация, музыкальнай номер или

физкультурнай пирамида. Тяфтама сьборс можна тердемс и роди-тельхненге. Тя шить эряви нол-дамс отряднай стенной газетань праздничнай номер.

Цебярьста тиихть ся пионерский организациятне, конат организо-вандайхть козонга ошть фталу (кда погодась цебярь) райононь сембе отрядтненди настоящей маевка. Тя сьборти эряви тердемс сире боль-шевик или Якстерь Армиянь ко-мандир, знатнай ломань, конац ба увлекательнайста и простойста корхтай пионерхненъ мархта: ре-волюцияда ингольденъ маевкать и сянъ колга, кда праздновандакш-несазь Маень 1-це шить минь странасон и капиталонь странаса. Яркой беседада меле костерть ваксса выступандайхть различной кружокт, звенатне, конат няфть-сазь эсь художественнай самодея-тельностьснон.

Содаф, што общепионерский сьборонь тематне могут улесм раз-личнайхть. Можна, например, йо-тафтомс тяфтама темас коря: „СССР-нь нароттненъ нерушимай союзсна“. Эрь отрядсь, анокламок тяфтама сьборти, лемнесазь эсь выступленияснон кевфкия союзнай республикатненъ эзда фкяти. Итне тонафнихть стихт, морхт, кштимат, аноклайхть, кда улихть возмож-ность, национальной костюпт. Звенатне тиендихть фотонь выстав-ка, национальной республикатненъ эряфснон эзда рисункань выстав-ка. Пях полезна ули, кда сьборонь анокламась вятсыне иттенъ ста-ма мысляс, штоба сотомс друже-ский переписка национальной рес-публикань ошень, велень пионер-хненъ мархта.

Пионерхне мзярдовок аф юксне-сазь октябренокненъ и иттенъ дошкольникненъ. Йолматне тяфта-ма жа нетерпением мархта учить праздники. Мес жа теест аф няф-темс кукольной представления? Няфтемс теест кодамовок сценаня, морамс синь мархтост, налхксемс, мезе анычек аф тиеви, кда ули/жела-ния! Кда пионерхне шарьхкодихть, то синь синцъ тиихть иттенди налхкшт-подаркат.

Эрек пионерхне кенерихть аф анычек цебярьста анокламс демон-страцияти, сьормадомс лозункт,



Республиканский Испаниять правительствац, мольфти добровольцонь кочкама.

СНИМКАСА: Барселонать ульцязон эса одломненъ группась вяти агитация армияв молемаць инкса.

Фотось СОЮЗФОТОТЬ

тиемс флажокт, кодамс зеленцта гирляндат, но и лездыхть старшай-хненди наряжамс эсь кудснон, эсь пирьфснон. Эряви всякай лаца приветствовандамс пионерхненъ же-ланияснон модемс инжикс якстерь-армеецненъ ширес. Весяласта и интереснайста йотафтсазь пингть лия школань кафта отрядтне кда синь тиихть марса первомайский вечер. Идень кудонь воспитанникне тяфтажа улихть ратт йотафтомс праздники пионерхненъ семья-сост.

Маень 1-це шить празднованиян-цты анокламаса вожатайхне муйхть лама интереснай материалхт цен-тральной газетатненъ эзда, тяфта жа „Пионер“, „Мурзилка“, „Кол-хозные ребята“ журналхненъ эзда. Вожатайи и учителяи цебярь материалкс аши „Начальная шко-ла“ журналсь (№ 3, 1938 г.). „За-тейник“, „Вожатый“ и „Пионер“ журналхне тя кизоть к сожален-ию, нинге ашесть заботенда, што-ба нолдамс эсь номерснон Маень 1-це шить.

„Комсомольская правда“ га-зетать редакциянц ответоц Силантьев вожатайть (Ста-линград) эняльксонц кар-шес: „...кода цебярьста анок-ламс юнай пионеронь от-рядтненъ Майть 1-це шин-цты“.

Кода синь тонафнихть

Советский Союзонь трудящайх-ненъ идьсна кружафт алянъ забо-таса партиять, правительствать и лично Сталин ялгать ширде.

Итне тя заботать инкса школат-ненъ эса тонафнихть отличнайста и цебярьста. Вов Сире-Теризмор-гань НСШ-са Тарадаева Просась тонафни анычек отличнайста; сон корхтай: „Тейнек аш кода аф то-нафнемс отличнайста сяс, местей-нек максфт сембе условиятне, штоба тонафнемс отличнайста. Сон эсь лангозонза сясвь обяза-тельствват, максомс испытаниятненъ отличнай оценка мархта.“

Тяка жа школань ученикс Ма-каровсь тонафни отличнайста и цебярьста. Тяда башка сон лувон-ды лама художественнай литера-тура, эрь шиня лузонды газетат.

Сире-Теризморгань начальнай школань ученицась Коткина Ю-рась тонафни анычек отличнайста и цебярьста. Коткинась максси оцю лезкс отстающей тонафнихненди. Сон корхтай: „Мон кунара ни уше-донь аноклама переводнай испы-таниятненди и надиян, што испы-таниятненъ макссайне отличнайста и цебярьста“.

Ученикт
Шайговань район.

Кино

„Великий гражданин“

„Великий гражданин“ кинокар-тинась, конац тани оцю успеха моли Саранскийса, яркайста и за-мечательнайста няфнесы сянъ, ко-да 1925—27-це кизотненъ больше-виконь партиясь тюрьсь зинovieв-ский двурушникненъ каршес. Аф сашендови доказывать тя темат значениянц. Ленинградский „Лен-фильм“ киностудиясь, нолдамок-тя картинать, тийсь замечательнай документ. Тяфтама кинофильмат, конат ба тяфта яркайста няфте-лезь партийнай эряфонь кизефкс-ненъ, народонь вяркенъ каршес партиять тюреманд, минь нинге пях кржа, хотя тяфтама картинат-ненди интересзь пях оцю, особен-на тани, мзярда партиясь нингя весть няфнесы сембе мирти эсь мощностенц, несокрушимостени.

„Великий гражданин“ кинокар-тинаса действиясь моли минь стра-наньконь фкя инь крупной про-летарский центраса. 1925-це ки-зосъ. Партиясь ащи оцю и кели наступлениянъ карша: малачни партиянь XIV-це с'ездсь—индуст-риализациянъ с'ездсь. Сонь кинц

лангса аф кржа трудностть, нинге ошненъ эса ульсь безработица, нинге виоволь велеса кулаксь, ра-бочай классть кой-кона прослой-канза зараженнайхтельхть рвачест-васа. Но партиясь, конац воору-женнаель и вооруженнай Ленинть—Сталинть ученияса, пуропнесы-не, кемокснесыне эсь рядонзон, и кажнай заводса, кажнай фабрика-са аноклай условият социализмань победатненди.

Зрительть инголе ащи „Красный металлист“ заводсь. Партийнай организациясь во главе райкомонь секретарть Шаховть мархта вяти упорнай тюрема производствать рационализациянц инкса. „Крас-ный металлист“ должен тиесм тракторхт. Тянь вешсы странась, тянь вешсазь социализмать инте-ресонза.

Но анычек Шаховсь и сонь ял-ганза кармасть вешема партиянь губкомть ширде, штоба губкомсь ванолюхненъ заводть предложени-язон, но Шаховсь и сонь ялганза получасть губкомть ширде отказ. Шаховсь сьормакшнесъ статья

губернский газетав, но сонь ашезь печатла. Тядонга пях тя газетаса лиссь статья, коса Шаховть и сонь ялганзон сьормадозь горе-рацио-нализаторкс. Заводской ячейкаць секретарец Колесниковсь апак уч-сек кучсеви Москву тонафнема. Заводонь ячейкав кучсеви секре-тарькс руководителхненъ мала-стонь ломаньчна—Брянцев.

Честнай партийнай руководител-хненъ каршес сембе тя тюремань сюретне Боровскийть кядьсот, ко-нац ашесъ губкомса руководящай работникокс.

Ся шиня, мзярда йотнихть ня событиятне, Москва меки сашен-ды партиянь губкомть секретарец Карташев. Карташевть Боров-скийть мархта беседасна няфнесы, што губернский партийнай орга-низацияса ашихть ломатть, конат пильгенек-прянек враждебнайхть партияти, ломатть, конат юмафтозь всякай вераснон рабочей классти, социализмань строямань возмож-ности вераснон.

Шаховть эзда Карташев и Бо-ровскийсь няхть вию противник. Карташевсь сявондысь эсь ланго-зонза обработать Шаховть.

Карташевть попытканза полу-часть крах, кирдсть поражения. Шаховсь стойкай и партияти пре-

даннай коммунист. Шаховть лангс нолнихть клеветат и подлокт, ти-ендихть ложнай обвиненият. Тевсь пачкоткшни тоза, што губкомть ру-ководителенза кяшендьсазь „Прав-да“ газетать фкя номеронц, коса печатлафоль Шаховть разоблачи-тельной статьяц. Шаховть вот-вот паньцазь партияста, но губкомть руководителензонды шорьси Мак-симть ЦКК-нь членть ошу самац.

Карташевсь аноклай йотафтомс „Красный металлист“ собрания, коса йорай няфтемс Максимти, што партийнай организациясь ко-да-бта поддержиивает губкомть ру-ководстванц. Нолневихть ходс васькафнемань сембе средстватне, конат присушайхть анычек двуруш-никненди. Собранияв арьсеф нол-дамс анычек эсь ломаньчна, полаф-невихть собраниянь пуроптома частонза и ст. тов. Максимсь тожа аноклай собранияс.

Максимсь цебярьста и образнай-ста штафнесыне лангу зинovieв-ненъ предательский тевснон.

Зинovieвненъ планчна сяс-зевсь. Коммунистне разоблачали Шаховть каршес ложнай обвине-ниятненъ. Синь сязезь Карташевть и сонь компаниянц шамаста мас-

(Полатксоц 4-це страницаса).

Тундань видемань темас „УЙХТЯМА, ЯЛГАЙ, УЙХТЯМА“

Тундась сась. „Октябрь“ колхозонь председателсь Жаткин ялгась колхозонь правлениясь шинек-венек ащекши, и арьси кода ушедомс тундань видемась. Сон ламоксть йорась тиес содоговоронь проект сянь инкса, штоба маластонь колхознень мархта кемокстамс социалистическый соревнованиянь договор.

Поздна илять кой-кона колхозникне сувсесь колхозонь правления. Синь йорась кизефтемс Жаткинть тундань видемати



сбруйхнень анокламасон колга, но Жаткинць ульсь „сяшкава заняф“, што бригадирхнень и рядовой колхозникнень ашезь сатне совестьсна и пшкетькшнесь:

— Ульхть шумбра, Жаткин ялгась, а минь пока тутам.

— Ага — отвечахнесь Жаткинць. И ингольцек коря арьсесь договоронц колга.

— Марьгтяма, што договор кемокстан кодама-кодама колхоз мархта, но вдь монь тапасамазь ты договорть мархта. Инзамане апок аноклакт, — апакт, плугоне аф сем-

бе анокт, — аф сембе, видьмозе аф сембе чистосортнай, — аф сембе, а сбруйхнень колга аш месь корхтамска; кодамовок сбруй апак ремонтировандак — арьсесь Жаткин ялгась.

— Мезе на тиес? — Сяда тов арьсесь Жаткинць. — Вельсоветонь председатели Киняев ялгати модемс. Арьсемс сонь мархтонза, шять сон муй ты тупикста лисема васта.

Тяфта и тись. Но вельсоветонь председатели „аш мзярда“ тундань видемаь мархта занимадакшнемс, сонь сонень тевоц „крга пингова“. Финансовай планть пяхкодемац кальдявста моли, Киняевти обязательна расстройтвац эряви йотафтомс пале литраса, оборонань заемть подписчиконзон кядьста ярмаконь кочкамась кальдявста моли, танга пале литра, иля кампаниятнень пяхкодемасна кальдявста молихть, станя жа винада апак сипть аш кода петемс седице, похмель, эрви правондамс. Лиякс марьгомс, ты ломанти аш мзярда занимадакшнемс тундань видемати анокламаса, да государственнай кампаниятнень пяхкодемасон мархта. Сонь фкя работац, фкя заботац — похмель, похмельть йотафтомац.

Тясонга Жаткин ялгась васьфтьс пробка.

И тяфта, Жаткинць „галошаса уенди“, а тундань видемаь васьфтьс апак ремонтировандак сбруйса.

Аф сяда цебарь ли улель, лоткамс, галошаса уендемс, сембе сяка Жаткин ялгась мореплавателкс аф арат; ня шитнень использовандамс станя, штоба тундань видемань инвентарть ремонтировандамс и лисемс видема аф „галошаса уендезь“, а аноклафта.

И. Паршин.

Зубунь р-н.

„Великий гражданин“

(П е ц).

катнень и няфтезь синь действительнай шамасон — двурушникнень и предательхнень шамасон.

...Партиянь XIV-це с'ездсь илядсь ни фталу. Партиясь, конань лангсавяти руководства минь кельгома вожденьке Сталин ялгась, молись инголи социализмат. Ламода полафтсь тевоц „Красный металлистовок“. Конвеерста лиссь васенце тракторсь. Но вракне, конат полафтозь тактикасон, одукс йорайхть эшемс партияв.

Боровскийть руководстванц ала разоблаченая зиновьевещне сьормадыхть заявления партияв меки примамасон колга.

— Тинь макссасть ты заявления, — корхтай Боровский, — „сюцемасть монь и Карташевть имезь ланкса советсь аши. — и авардеда, авардеда сельме веьд потмо са, но педа-пес тинь сембе сяк аф верондатедезь. Теенть сави налхксемс, налхксемс, сембе пингт налхксемс. Минь должеттама тиес стама впечатления, што минь ни ашетама.

Тяфта няфтьф смраднай троцкистско-зиновьевский подпольяс.

Куйкс эцекшнесь ня предательхне и изменникне партияв сянь инкса, штоба шорямс минь вишкста касоманьконди, штоба сяземс социализмат строяманц.

Картинась аделави сянь мархта, што зиновьевещне получасть окончательнай крах 1927-це кизоня октябрьскый демонстрациять йотафтомста, конань синь тага жа йоразь сяземс, печатлакшнесь тьянь каршес листовкат. Но советский народсь йордазень эздонза ня презреннай двурушникнень и вредительхнень.

„Великий гражданин“ кинокартинась цебарь и эрвикс картина. Сон правдивайста няфнесы ся тюремать, конань вятезе партиясь изменникнень — зиновьевещнень каршес. Сон няфнесы, коза вятьсмазь минь великай коммунистический партияньке. Сон няфнесы троцкистско-зиновьевский контрреволюционнай бандать тевозон. Ты картинась пях ценнай пособия партиять историянц тонафнемаса. „Великий гражданинць“ тонафнесамазь бдительнайкс, тонафнесамазь кода няемс и содамс ялгань конь йоткста вракнень.

Т. Осипов.



СНИМКАСА: (республиканский правительствать членонза фронту туй военнай часттьне парадса. Кяржи ширде види шири: министрнь премьерсь Негринь, республикань президенть Асанья, генералхне Миаха и Кампесио.
Фотось Союзфототь.

СЬОРМА СТИРЕНЦТЫ

Тя сьормать кучезе Долорес Ибаррурись эсь стиренцы пионернати, конац эрвий Моснуса

„Монь Амаччиозе!“

Поздравляндате тонь ся мархта, што тонь кочкадязь звенань вятискс. Но мяляфть, што ты — аф аньцек честь, ты — должность, обязанность, конанц тейть максозь и конац тейть эряви пяхкодемс, кода афоцю большевичканя.

Мезе тейть эряви тиес? Васендакига, старандак, штоба тонь звенань сембе итне улельхть инь точнайкс, пунктуальнайкс эсь обязанностьсон пяхкодемаса. Штоба синь улельхть школьникнень йоткса васенцетне, инь чистайкс, инь аккуратнайкс, инь внимательнайкс урока.

Мон макссян совет тонь звенацти нолнемс газета, коса сембонди эряви примамс участия, азонкшнемс эсь мнениясон, обсуждадакшнемс школьной и пионерский тефт, корхнемс эсь работань метоттнень колга. Тинь газетаса можете сьормадомс сембонь колга — Испаниять, Советский Союзть колга, спортть, театрать колга и ставтов. Газетати эряви няфтемс сембе эрэфонтень и тинь сембе споронтень, проектонтень и мечтанть.

Теенть эряви тиес соткс Советский Союзонь ичкоздень райононь школатнень мархта. Катк итне сьормадыхть эсь ошсон колга, эсь эрэфсон тонафнемасон колга. Тиеда соткс Испаниянь провинциянь кодамовок пионерский или школьной группань мархта. Сьормадода испанский иттенди Советский Союзть колга, кучседа рузонь морхт и сказкат. И катк синь теенть кучсазь синценнень. Кучседа испанский иттенди советский идень журналхт и газе-

тат. Нльня кда синь аф шарьхкодьсась, то синдеест ты ули оцю радостекс.

Соревновандада идень иля группа мархта, няфтесть тевоца, кинь улихть цебарьхть отметканза, кие макссыне физкультураса норматнень.

И, наконец, эстейть, Амаччио, эряви няфтемс оцю инициатива и думандакшнемс, мезе тиес интереснай.

Мон лама работан, Амаччио. Йотай недялять колмоксть выступандакшнень оцю митингса, ульсь лама пйртийнай работада. Кафта шида меле молян Мадриду, а тоста танга фронту. Тоса ули интереснай работа.

Тейть аф эряви огорчандавомс, стирнай, што тон тонафнемасалиядоть. Тон — тядань революционеркань стирнай, конац тюрисань инкса, штоба сембе иттеннь улель кшисна и культурасна, сяс сондеенза эсь пингстонза изь максов эсь идензонды сембонь тьянь. Ся, мезе йотни тонь мархтот, уленди активной революционеронь лама идь мархта.

Но тейть эряви старандамс лама тонафнемс, апак ваймак. Мон пях йорань, штоба тон улелеть монь маласон, и сяс йоран, штоба тон тонафнелеть.

Паравал тонь сембе учительницатнени. И тейть кучсеса тярань сембе нежностезень и сембе паламатнень, конатнень мондине ашесть сав максомс тейть ты кизоть, сяс што минь явфтама фкьян эзда.

„Долорес“.

Польшаса Маень 1-нь шить празднованиянцты анокламась

Варшава, апрельть 16-це шистонза: Крестьянский партиянь центральный Комитетсь „Стронництво Людове“ путозе кучемс эсь делегациясон Польшань различной ошева, штоба участвовандамс первомайский рабочаень демонстрациятнень эса. Партиянь делегацият-

не, кода корхтави сообщенияс, должетт сьормадомс эсь резолюциясост „рабочаень движениясь крестьятнень солидарность колга“ и заверить рабочей классть, што синь анокт марса синь мархтост фашизмат каршес, демократический свободанкса тюремат. (ТАСС).

Ответ. редакторсь П. ЕЖОВ.

Упол. Главлита № Д-44. Заказ № 1571. Тираж 3884.

г. Саранск, тип. „Красный Октябрь“.